



Broj: 16-12-16-6206- 7 /23
Istočno Sarajevo, 31.08.2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH”, br. 39/14 i 59/22), na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-6206/23 od 28.08.2023. godine, u postupku javne nabavke interventnih jakni za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke
interventnih jakni za potrebe Državne agencije za istrage i zaštitu

Član 1.

U postupku javne nabavke interventnih jakni za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije za nabavke za potrebe Agencije u 2023. godini broj 16-12-16-6206/23 od 28.08.2023. godine, ugovor se dodjeljuje ponuđaču „SHOT” d.o.o. Zenica, ponuda broj 16-12-16-6206-5/23 od 21.08.2023. godine za ponuđenu cijenu od 24.800,00 KM bez uračunatog PDV-a.

Član 2.

(1) Ponuđač „SHOT” d.o.o. Zenica obavezan je ugovornom organu dostaviti dokaz o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-6206-1/23 od 24.07.2023. godine pokrenut je postupak javne nabavke interventnih jakni, a za potrebe Agencije, u procijenjenoj vrijednosti 25.000,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-1-149-3-38/23 od 26.07.2023. godine i u („Službenom glasniku BiH”, broj 54/23) od 04.08.2023. godine. Novčana sredstva za predmetnu nabavku su obezbijedena u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH”, broj 22/23).

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 21.08.2023. godine do 13:00 sati, te da se ponude dostavljaju u zatvorenoj koverti, Komisija je dana 21.08.2023. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da su u ostavljenom roku pristigle dvije ponude na Pisarnicu Agencije.

Na javnom otvaranju ponuda nije bilo prisutnih predstavnika ponuđača.

Blagovremeno su dostavljene dvije ponude i to:

R. br.	Broj protokola	Naziv ponuđača	Datum i sat prijema ponuda
1.	16-12-16-6206-4/23	„Danial S” d.o.o. Tešanj	21.08.2023.g. u 09:45 h
2.	16-12-16-6206-5/23	„SHOT” d.o.o. Zenica	21.08.2023.g. u 11:31 h

R.br.	Naziv ponuđača	Ponuđena cijena u KM (bez PDV-a)
1.	„Danial S” d.o.o. Tešanj	24.800,00
2.	„SHOT” d.o.o. Zenica	24.800,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH”, br. 39/14 i 59/22) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Tačkom 3.1.4. Konkurentskog zahtjeva predviđeno je, uz ponudu, dostaviti uzorke interventnih jakni i opise sa taktičko-tehničkim karakteristikama u pogledu zahtjeva iz tehničkih specifikacija. S tim u vezi, a u cilju ocjene tehničkih uslova navedenih u Konkurentskom zahtjevu, Komisija se aktom broj 16-12-16-6206/23 od 22.08.2023. godine obratila Jedinici za specijalnu podršku Agencije (u daljem tekstu: JSP), tražeći uvid u dostavljene ponude, odnosno, u dostavljene uzorke interventnih jakni i opise sa taktičko-tehničkim karakteristikama u pogledu zahtjeva iz tehničkih specifikacija, te stručno mišljenje u pogledu ocjene taktičko-tehničkih karakteristika ponuđene robe, odnosno, da li ponuđene interventne jakne odgovaraju traženim uslovima iz Konkurentskog zahtjeva za predmetni postupak nabavke. Komisija je zaprimila traženo mišljenje stručnih lica JSP broj 16-09-16-

6206/23 od 25.08.2023. godine, sa obrazloženjem da ponuda ponuđača „SHOT” d.o.o. Zenica u potpunosti zadovoljava tražene uslove postavljene Konkurentskim zahtjevom, dok ponuda ponuđača „Danial S” d.o.o. Tešanj sadrži određenje manjkavosti, i to: „Jakna nije u boji i nijansi sa interventnom uniformom koju koristi JSP (različitost boje jakne sa ostatkom uniforme nije dozvoljena kod jednobojnih uniformi); Dostavljeni uzorak amblema SIPA nije u redukovanim bojama koje su prilagođene dezenu uniforme, amblem je sa reflektujućim efektima iako je traženo da je sa mat finišom kako ne bi imao demaskirajući faktor na uniformi svojim odsjajem, slojevi amblema nisu različito kolorisani; Prednji potezač nije propisanih dimenzija (širine 1 cm u gornjem i 1,2 cm u donjem dijelu), na njemu je nejasno i nečitko urezan natpis SIPA; Na strani ponude 9/27 ponuđač navodi da su dimenzije velikog džepa na predjelu prsa širina 77 cm, visina 37 cm, a što je u suprotnosti traženoj specifikaciji dimenzija 17x37 cm (+/-3%).

Uvidom u sadržaj dostavljenih ponuda, a cijeneći mišljenje stručnih lica JSP Agencije, Komisija je utvrdila da ponuđač „SHOT” d.o.o. Zenica ispunjava kvalifikacione uslove u pogledu njegove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Takođe, Komisija je utvrdila da navedeni ponuđač ispunjava formalno-pravne uslove postavljene u Konkurentskom zahtjevu. Dalje, ponuđač „Danial S” d.o.o. Tešanj ne ispunjava kvalifikacione uslove postavljene u Konkurentskom zahtjevu, te se ima smatrati da je ponuda imenovanog ponuđača nepravilna. S tim u vezi, ponuda ponuđača „Danial S” d.o.o. Tešanj se odbacuje, u skladu sa članom 68. stav (4) tačka i) ZJN.

Konkurentskim zahtjevom za postupak javne nabavke interventnih jakni za potrebe Agencije tačkom 8. (8.2.) predviđeno je provođenje e-aukcije. Imajući u vidu da su zaprimljene dvije ponude, od kojih je jedna prihvatljiva, e-aukcija nije provedena u skladu sa članom 3. stav (3) Pravilnika.

Nakon pregledanja dokumentacije priložene uz dostavljenu ponudu, Komisija je u skladu sa članom 65. st. (1) i (2) ZJN ocijenila ponudu kvalifikovanog ponuđača, primjenjujući kriterij najniže cijene iz tačke 8. (8.1.) Konkurentskog zahtjeva, te je sačinila listu ocijenjene ponude, kako slijedi:

R. br.	Naziv ponuđača	Vrijednost ponude (bez PDV-a)
1.	„SHOT” d.o.o. Zenica	24.800,00 KM

Nakon provedenog postupka ocjenjivanja dostavljene ponude, Komisija je utvrdila da je ponuda ponuđača „SHOT” d.o.o. Zenica ocijenjena kao najpovoljnija, da ista ne premašuje procijenjenu vrijednost nabavke iz tačke I Odluke o pokretanju postupka javne nabavke interventnih jakni za potrebe Agencije.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se ugovor dodijeli ponuđaču „SHOT” d.o.o. Zenica, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Agencije. Na izjavljenu žalbu ponuđač je obavezan platiti naknadu u skladu sa članom 108. ZJN.

DOSTAVLJENO:

- Ponuđačima;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

